

ԿՐՕՆԱԳԻՏԱԿԱՆ

ԼԵՒՈՆ ՄԱՐԿԱՎԱԳ ԵՐՆՋԱԿՅԱՆ

ԸՆԴՀԱՆՐԱՊԵՏԱՆ ՆԱՐՈՒԹՅՈՒՆ. ՆԱՐՈՒՅՅԱԼ ՄԱՐՄԵՆՆԵՐ (աստվածաբանական էություն)

«Վախճանաբանություն» եզրը ծագել է հունարեն esxatos բառից, որ նշանակում է «վերջին» կամ «եզրափակիչ»: Ընդհանրապես, առանձնացվում է երկու փոսակի վախճանաբանություն՝ անհայտական և ընդհանրական՝ ողջ մարդկության համար: Ընդհանրական վախճանաբանությունը բովանդակում է «Աշխարհի վախճանը» կամ «Վերջին իրադարձությունները»: Վախճանաբանության այս բաժնին է պատկանում այսպիսի ներկայացվող՝ **ննջեցյալների հարուցյալ մարմինների հարցը:**

Մեռելների հարություն ասելով հասկանում ենք մեռած մարմինների հառնելը, և Աստուծո գործությամբ ու ներգործությամբ նրանց միավորումն իրենց հոգիներին: Մեռելների հարության մասին առաջին վկայությունները Սուրբ Գրքից են. Դանիել մարգարեն, խոսելով Վերջին օրերի՝ աշխարհի վախճանի մասին, ասում է. «Եւ բազումք ի ննջեցելոց ի հող յերկրի՝ յարիցեն, ոմանք ի կեանս յախրենականս, և ոմանք ի նախապինս և յամօթ յախրենական» (Դան. ԺԲ. 2): Արդեն Նոր Կտակարանում Պողոս առաքյալը խոսում է այն մասին, թե նա, ով հավատում է, որ Քրիստոս Նաբություն է առել, պետք է հավատա նաև մեռելների հարությանը (Ա. Կորնթ. ԺԵ. 12): Ննջեցյալների հարության մասին մեզ հայտնից նաև Քրիստոս. «զի եկեացէ ժամանակ յորում ամենեքին որ ի գերեզմանս կայցեն՝ լուիցեն ձայնի նորա. Եւ եկեացեն արարաքս՝ որոց զբարիս գործեալ իցէ՝ ի յարութիւն կենաց. և որոց զչար արարեալ՝ ի յարութիւն դատաստանաց» (Յովհ. Ե. 28-29): Նիմուկեով սուրբգրային այս փոփոխությունների վրա՝ Քրիստոսի Երկրորդ Գալուստից առաջ ննջեցյալների հարության գաղափարը դարձավ Եկեղեցու վախճանաբանական կարևոր թեմաներից կարևորագույնը:

Ըստ Նայ Առաքելական Սուրբ եկեղեցու վախճանաբանության՝ Քրիստոսի Երկրորդ Գալուստի ժամանակ փրկի է ունենալու մեռելների ընդհանրական հարություն, որի մասին Նավարամբն ասում է. «[Նավարամբ] Ի յարութիւն մեռելոց, ի դատաստանս յախրենից հոգոց և մարմնոց...»¹: Նույն բովանդակությունն ունի նաև Տաթևյան դպրոցի Նավարո հանգանակը. «Այլև գալոց է նովին մարմնովն և փառօք Նոր՝ ի դարեղ գկենդանիս և զմեռեալս: Որ և յարութիւն ամենայն մարդկան»²:

¹ «Ժամագիրք Նայաստանեայց Ս. Եկեղեցոյ», Ս. Էջմիածին, 2004, էջ 702:

² Անդ, էջ 5:

Ննջեցյալների ընդհանրական հարությունը տեղի է ունենալու վերջին դարաստանից առաջ, այսինքն՝ Քրիստոսի Երկրորդ Գալուստի ժամանակ. «[առաքելաբն] ի ժամանակի անդ ծանուցեալ գնոյն ձայն փողոյն, ի մահահանգիստ քնոյն յարուցեալք ի գարունն՝ զբերս բուսոցն իւրաքանչիւր հասեւոցն տերեւիցեն: Զի այնուհետեւ յայն հասեալ գարունն՝ զիւրաքանչիւր սերմանեաց յարմարոյ անտի գրեւիլ կերպարանացն բերիցեն»³:

ա. Քրիստոսի Նարությունն իբրեւ բոլոր մարդկանց հարության նախապիպ. Սուրբ Գրքում Պողոս առաքյալի վերաբերյալ խոսքից տեսնում ենք, որ Քրիստոս, ինչպես Իր երկրային կյանքում հանդես եկավ իբրեւ օրինակ մարդկանց համար, այնպես էլ Իր Նարությամբ ողջ մարդկության հարության նախապիպը ցույց տվեց, որ լինելու է աշխարհի վախճանին. «[Սա սահմանեցին]՝ հետևելով առաքելական վկայությանը, թե ինչպես Քրիստոսը մեռելների միջից հարություն առավ, այդպես էլ մենք ենք կյանքի նորոգություն ստանալու»⁴: Եթե ընդունում ենք, որ մեր՝ մարդկային մարմինների հարության նախապիպը Քրիստոսի Նարությունն է, ուրեմն այն լինելու է նախկինին համապատասխան. «...իր սեփական մարմնի միջոցով մարդկային բնությանը շնորհեց հարության սկիզբը՝ իր գործությամբ հարություն տալով մարդուն»⁵, «Քրիստոս՝ Աստուծո Որդին, մեր փրկության համար մահացավ, որպեսզի մեզ անմահացնի անմահ կյանքի մեջ»⁶: Այսպիսով, Քրիստոսի Նարության շնորհիվ է տեղի ունենալու ողջ մարդկության հարությունը. «Եւ նա է գրուի մարմնոյ, եկեղեցւոյ, որ է սկիզբն, անդրանիկ ի մեռելոց, զի եղիցի ինքն յամենայնի յառաջացեալ» (Կող. Ա. 18) եւ «քանզի մարդով եղև մահ. եւ մարդով՝ յարութիւն մեռելոց» (Ա. Կորնթ. ԺԵ. 21): Այսպեղից երևում է, որ ննջեցյալների հարությունը եւս Աստվածային Փրկագործության մաս է կազմում, ուստի այն ունի ընդհանրական բնույթ՝ լինելու է ընդհանրական հարություն: Աշխարհի արարման սկզբից մինչև այդ օրերը եղած բոլոր ննջեցյալները հարություն են առնելու՝ առանց մեղավորի ու արդարի խորհրդակցության (նաև նրանք, որոնք մահը ճաշակել են դեռ իրենց մոր արգանդում):

բ. Նոգիները Քրիստոսի Երկրորդ Գալուստից առաջ. Ինչպես արդեն վերը նշեցինք, Քրիստոսի Երկրորդ Գալուստի ժամանակ լինելու է ընդհանրական հարություն, որի ժամանակ հարություն են առնելու բոլոր ննջեցյալները. նոր՝ հարուցյալ մարմիններին են միանալու արդեն կայաններում սպասող հոգիները:

Քրիստոնեական ըմբռնումով մեզ փրկած երկրային կյանքը ոչ միայն Աստուծո սիրուց բխած պարգև է, այլև մի փորձաշրջան՝ «պանդխտության» շրջան (Ա. Պետր. Ա. 17), որի ընթացքում մարդը պետք է իր ապրած կյանքով ու հավատի գործերով նախապատրաստվի հանդերձյալ կյանքին, որով էլ, փաստորեն քրիստոնեական կյանքն իր լրումին է հասնում հանդերձյալում: Նավխրեական կյանքի երանությունը Աստուծոց փրկած մի կոչ

3 «Սուրբ Գրիգորի «Աստվածաբանությունը», Ս. Էջմիածին, 2007, էջ 192:

4 Ներսես Լամբրոնացի, Մեկնություն Նավարամբի եւ Նայր մերի, Ս. Էջմիածին, 2007, էջ 55:

5 Սուրբ Գրիգոր Նյուսացի, Քրիստոնեական, թարգմ. Պ. Շահբազյան, Ս. Էջմիածին, 2007, էջ 90:

6 Նովիան Մանգակունի, Ճառեր, Ս. Էջմիածին, 2008, էջ 227:

է մարդկությանը՝ այս կյանքը բարի ընթացքով ապրելու և վերջին օրերին, առանց ամոթի, Տիրոջ առջև կանգնելու համար (Բ. Պետ. Ա. 13-25): Սուրբ Գրքում հստակ արված է, որ յուրաքանչյուր մարդ Վերջին Դարաստանին ըստ իր գործերի պետք է հատուցում ստանա (հմմտ. Յակ. Բ. 1-13): Այսպիսով՝ մահվանից հետո մարմինը Տերմոնական խոսքի համաձայն վերածվում է հողի (Ծնն. Գ. 13), իսկ հողին մրնում է հավիյրենակա-նության մեջ, որը կարծես թե ընդհարվում է Քրիստոսի Երկրորդ Գալուստի ժամանակ Կրկին ունեցող մեռելների ընդհանրական հարությանը, որի ժամանակ մարմինը և հողին վերստին միավորվում են:

Նաքց է առաջանում, թե մինչ այդ ի՞նչ է Կրկին ունենում մարդկային հոգու հետ: Նախ ասենք, որ հոգիների երկու կարգավիճակ կարելի է զանազանել՝ հոգիները նախքան Քրիստոս, այսինքն՝ Քրիստոսի փրկագործ Խաչելություն և Նարություն, և հոգիները՝ Քրիստոսի Նարությունից հետո:

Քրիստոսի Խաչելությունից և դժոխքում երեքօրյա բարոզչությունից առաջ հոգիները փակված էին դժոխքում. «Վարդապետը սուրբ գալահեստ հոգուց յերիս փոփոխմունս գիտեն. այսինքն՝ նախքան գ-Քրիստոս. և յեր Քրիստոսի և յեր դարելոյն: Նախքան գ-Քրիստոս, առհասարակ ի դժոխս... վասն պարժոյն Աղամայ»⁷: Իսկ որպէ՛ղ էր դժոխքը: Եկեղեցական հայրերն այս հարցին պարասխանելով ասում են, որ ծովի եզերքին, երկրի ներսում կամ էլ խավարչուր մի վայրում: Ի սկզբանե դժոխք գոյություն չի ունեցել, այն առաջացավ չարի անկումից հետո: Արևմտյան պարկերացումների համաձայն դժոխքը, որպէս սատանայի իշխանական աթոռ, ունի նաև բաժանումներ. ընդունված է չորս բաժանումների փարբերակը՝ ծովում, օդում, գերեզմաններում և քարայրներում կամ էլ՝

- ա. ներքին դժոխք - առավել մեղավորների համար
- բ. բավարան - ներքին մեղքեր ունեցողների համար
- գ. լիմպոներ - չմկրվածների և նրանց համար, որոնք մահացել են դեռ լույս աշխարհ չեկած
- դ. վերին դժոխք - արդարների համար

Ըստ Սուրբ Գրիգոր Տաթևացու՝ այս վարդապետությունն ուղղափառ չէ, քանի որ եղել է մեկ դժոխք, ինչպէս որ մեկ դրախտ գոյություն ունի: Դժոխքն ու դրախտը հակա-կայաններ են, ուստի պետք է, որ նույնաչափ լինեն: Արքայությունը մեկ է և ունի բազում օթևաններ ու փառքեր՝ երեսնավոր, վաթսունավոր և հարյուրավոր (հմմտ. Մատթ. ԺԳ. 8), նույնպէս և դժոխքն ունի բազում փանջարաններ: Սուրբ Գրիգոր Տաթևացին դժոխքում գրավող հոգիներին երեք դասերի է բաշխում.

- ա. Ներքին դժոխք, որպէս գրավում էին սատանան և չար ու ամբարիշտ հոգիները:
- բ. Միջին դժոխք կամ «բանա դժոխք», որպէս գրավում էին միջակ մեղավորները, որոնք ունեին հավարք, բայց չունեին բարի գործեր կամ՝ հակառակը:
- գ. Վերջին դժոխք կամ անջրդի գուր, որպէս գրավում էին անկեղծ մանուկները:

⁷ Գրիգոր Տաթևացի, Գիրք Նարցմանց, Երուսաղէմ, 1993, էջ 603 (այսուհետև՝ Գիրք Նարցմանց):

Իհարկե այս ամենը գոյություն ունի մինչև Քրիստոսի խաչելությունն ու դժոխք իջնելը. «...հոգովն իջեալ ի դժոխս՝ անբաժանելի աստուածութեամբն: Քարոզեալ հոգւոցն, աւերեալ գոժոխս՝ եւ ազաւրեալ զհոգիս» (Տաթևյան հանգանակ): Քրիստոսի փրկագործ առաքելության մաս էր կազմում դժոխքում սապանայի կողմից կապված հոգիների ազաւրումը. «Աղամ մեղօք ծանրացեալ էջ ի ներքին կէտս դժոխոյն, եւ այլ ոչ կարէր բարձրանալ: Մինչ ի վերին կիտէն բանն Աստուած էջ ի ներքին կէտն. եւ ապա ել Աղամ ի վերին կէտն երկնից»⁸: Աղամից սկսած բոլոր հոգիները սապանայի կողմից կապված էին դժոխքում, մինչև որ Քրիստոս դժոխքում երեքօրյա քարոզչությունից հետո կապեց սապանային, ազաւրեց հոգիներին եւ քանդելով ավերեց դժոխքը. «զի թէպէտն մեռաւ մարմնով, այլ կենդանի է հոգւով. Որով եւ ոգւոցն որ էին ի բանորին՝ երթեալ քարոզեաց» (Ա. Պետ. Գ. 19-20): Տերը խաչվելով նախ մեր մեղքերի դիմաց վճարեց եւ ապա հենց Ինքը բացեց Երկնքի դռները՝ մեզ համար առաջնորդ դառնալով. «Նախ՝ վասն վճարման պարտուցն լուծան կապանք դժոխոցն, որպէս ասէ Դաւիթ (գղթունս դժոխոց խորասկեաց). Երկրորդ՝ զի վասն բացման դրանց երկնից՝ լոյս ծագեաց ի բանորին ըստ Եսայեայ (որք ի կապանս էլ ելէք. եւ որք ի խավարի՝ յայրնեցարուք)»⁹: Քրիստոս իջալ մինչև Ներքին դժոխք, ուր եւ գտնվում էր Աղամը եւ որ ամենակարևորն է՝ սապանան, որին եւ կապեց. «...զնեաց եւ կապեաց զհօրն եւ քակեաց զամուրս նորա եւ ավար էառ զհոգիսն»¹⁰: Քրիստոսի կողմից դժոխքի ավերումից հետո հոգիներն իրենց ժամանակավոր ապաստանը գտնում են կայաններում: Կայանը ո՛չ դժոխք է եւ ո՛չ էլ դրախտ. այն միջանկյալ դիրք է գրավում, ուր հոգիներն սպասում են Քրիստոսի Երկրորդ Գալուստին, որի ժամանակ մարմնով պիտի հարություն առնեն եւ ապա՝ Դաւարաստան. «Եւ դարձեալ որպէս մարմինն ի հող հագուցեալ, եւ ապա հոգին ի կայանս հոգւոց. այսպէս ի յարութեան ի միաին պսակին եւ փառաւորին», «աւանդող հրեշտակն... առեալ քանի ի կայանս հոգւոց», «յեւ Քրիստոսի մինչ ի կաւարած ամենայն հոգիքն են ի կայանս հոգւոց յերկինս վասն ազաւրութեան եւ շնորհացն Քրիստոսի»¹¹: Կայաններում գտնվող հոգիները ճանաչում են միմյանց. «Նոգիք արդարոցն ճանաչեն զմիմեանս անուամբ, ծնողեամբ եւ գործով վաստակոցն... Իսկ չար հոգիքն ճանաչեն այնքան զչարս՝ վասն զի ըստ արժանեաց իւրոց քանցեւոց են»¹²: Կայաններում սպասող հոգիները գիտեն այն ամենն ինչ րեղի է ունենում ողջերի հետ. արդարները բարեխոսում են, իսկ մեղավորները՝ ոչ, քանի որ նախանձ են: Կայանների գոյության րեւսակերն են պաշտպանում նաեւ Ընդհանրական Եկեղեցու բազմաթիվ հայրեր՝ ինչպես օրինակ Իրինեոս Լուզդոնացին, որի համաձայն, Դաւարաստանից առաջ յուրաքանչյուր հոգի ստանում է իր արժանիքներին համապատասխան կայան. ինչպես մեր Տեր Նիսիոս Քրիստոս երեք օր մնաց սանդաղամեքում, այդպես էլ հոգիներն են սպասում կայաններում մինչև մեռելների հարություն¹³:

8 Ամղ, էջ 508:

9 Ամղ, էջ 503:

10 Ամղ, էջ 505:

11 **Գրիգոր Տաթևացի**, Չմեռան հարցր, Երուսաղեմ, 1998, էջ 236-239:

12 «Գիրք Նարցմանց», էջ 685:

13 Տե՛ս **Метropolitan Макарий Окснок**, Эсхатология Св. Григория Нисского, Москва, 1999, էջ 57:

գ. Նարուցյալ մարմիններ.– «Նոյնպես և յարութիւն մեռելոց, սերմանի ապականութեամբ և յառնել առանց ապականութեան» (Ա. Կորնթ. ԺԵ. 42): Նոր մարմինները պէտք է լինեն անչարչարելի՝ ցավերից ու կրքերից զերծ, լուսավոր (Մարթ. ԺԳ. 43) և հոգեւոր՝ զերծ նյութի օրենքներից ու կապանքներից¹⁴: Անկարելի չէ Աստուծո համար հողից վերստեղծել մարդկանց մարմինները, «Մակայն պէտք չէ խորհիլ, որ այս յարուցեալ մարմինը հողեղէն է լինելու, որովհետեւ հողեղէնն ի վերջոյ ենթակայ է ապականութեան»¹⁵: Ս. Գրիգոր Տաթևացին երկու փուլով հարություն է փարբերակում՝ առաջին, երբ հարություն առնողը կրկին ենթակա է մահվան, ինչպես օրինակ Ղազարոսը և Ավետարաններում խոսվող մյուս հարուցյալները, և երկրորդ՝ հարություն առնողը պսակվում է անմահությամբ: Դադարաստանից առաջ հարություն առնողը պսակվելու է անմահությամբ և, ըստ այսմ էլ, ինչպես Սուրբ Գիորգն է ասում (Դան. ԺԲ. 2), հարուցյալ մարմիններն անմահ են լինելու և «այս է պարզապես յարութեան, զի ամենայն մարդիկ առնուցուն զվարձ կամ զպարիժ. կամ վասն իրեանց գործոց կամ վասն սկզբնականին»¹⁶: Նախ ասենք, որ մարդկանց մարմինները փարբեր կերպերով ոչնչացել են և արդեն հարության ժամանակ չորս փարբերից են կազմվելու, քանի որ «նորա ի փարբերս յուժանին»¹⁷: Ննջեցյալների մարմինները հարություն են առնելու կարարեղանակ և անթերի անդամներով. «...զի անդամք մարմնոյն պարզ է լինիլ անպակաս զի իցէ կարարեալ մարդ... զի Աստուած ի սկզբան բնութիւն Ադամայ անթերի ստեղծ. նոյնպէս ի վերջին օրն անթերի պիտի նորոգէ»¹⁸: Ննջեցյալները հարությունը փրկելի է ունենալու մի ակնթարթում և արդեն հարություն առած մարմիններին են միանալու կայաններում սպասող հոգիները, որովհետեւ առանց հոգու մարմինն անկարար է ու ոչ ամբողջական, և Դադարաստանի ժամանակ միայն հոգին չի կարող պարասխառնալու լինել հոգեմարմնավոր էակի համար. «...հոգիքն յիւանել ի մարմնոյն, ո՛չ առժամայն առնուն արդեամբ զվարձս, այսինքն՝ զփառս և զփանջանս, որպէս ասացաք, այլ ի դադարաստանին հանդերձ մարմնովն են առնելոց»¹⁹: Այս մասին խոսելիս Սուրբ Գրիգոր Տաթևացին մեջբերում է Սուրբ Թադեոս առաքյալին. «հոգի ամենայն մարդոյ որ ելանէ ի մարմնոյ, ևն նոցա օթեանք և բնակութիւն ի հանգստեան, բայց վարձ ոչ կարէ բնորոնել առանց մարմնոյ. զի ոչ միայն հոգոյն է վաստակն, այլև մարմնոյն»²⁰: Վարդան Արեւելցին, հակադրվելով կաթոլիկների «Անհարական Դադարաստանի» վարդապետությանը, ըստ որի «Եթե քրիստոնյան որեւէ մահացու մեղք գործեց, նա անմիջապէս դադարաւորվում է դժոխքի փանջաններին, իսկ եթե մեղքերը ներելի են, ապա նրա հոգին անցնում է քավարան, որով հնարավորություն է ստանում մաքրվելու մեղքերից»²¹, ասում է. «Ապա Բրիսպոս

14 **Շնորհք արք. Գալուստեան**, Տեղիք աստուածաբանութեան, Երուսաղէմ, 1993, էջ 64:

15 Անդ, էջ 63:

16 «Գիորգ Նարեմանց», էջ 724:

17 Անդ, էջ 718:

18 «Գիորգ Նարեմանց», էջ 725:

19 **Սիմէոն Կաթողիկոս Երևանցի**, Պարբերակ, Երևան, 2003, էջ 474-475:

20 «Գիորգ Նարեմանց», էջ 691:

21 **Շահն արք. Աճեմյան**, Մեր Նավարբը, Երևան, 2001, էջ 77-78:

յի՜նչ է գալոց ի դպրաստան, երբ ի գալստեան Նորա վճարեալ է ամենայն ինչ... այլ մեք գնախամաքքիւն այսպէս ասեմք եւ գնախահանգչիւն, թէ խոստովանութեամբ կարարեալ հոգիքն, թէ արդարք, թէ մեղուցեալք ի միտմ քեզից կան. մեղուցեալքն քանջին միայն վախելով ու քրքրմութեամբ... եւ արդարոցն խնդութիւն յոսով առաջիկայ երանութեան գոր ունին առ Աստուած, այն համարեալ է նոցա հանգիստ»²²: Բացի այդ, հարությունը Դպրաստանի համար է, իսկ այդ ժամանակ դարձելու են հոգիքն եւ մարմինը միասին՝ իբրեւ մեկ միություն. «Եւ յականարկել դպրատրիդ սասանի երկիր, բանին կնքեալ գերեզմանք. նորոգին հողացեալ մարմինք, եւ հոգիքն սլացեալ իբրեւ զարծուիս՝ անդր հասանեն, եւ զգենուն զանապական մարմինսն ի վայրկեան ժամանակի յիւրաքանչիւր քեզիս»²³, կամ «Որովհետեւ չորացած ոսկորներն իսկույն պարվելու են մկաններով ու ջլերով, կոճիկներով ու նյարդերով, ծածկվելու են մաշկով ու զարդարվելու վարսերով: Եւ նրանց հոգիներն ու կերպարանքներն իրենց են վերադառնալու»²⁴: Վերը նշեցինք, որ բոլոր մարմինները, ինչպէս Պողոս առաքյալն է ասում, հարություն են առնելու առանց սպականության, սակայն հարուցյալ մարմինները քարքերվելու են միմյանցից ըստ իրենց նախկին գործերի՝ չար կամ բարի. «Որովհետեւ եթե դու ննջես գերեզմանում քո բուրավեր արդարության հեղ միասին, բուրումնավեր, անուշահոտ ծաղկի նման, ապա քո հարության ժամանակ քեզ հեղ իսկույն կբուսնի քո արդարությունը»²⁵: Դանիելի մարգարեության վերը նշված հարվածի մեկնության մեջ Նովիսնես Ծործորեցին գրում է. «Որք ի Նեոնէն մեռան վասն Քրիստոսի, յառնեն ի կեանս յախարենականս, եւ որք այլ պարճառաւ մեռանին՝ ի նմանէ առաւել խնդրելով պարիւ կամ հաւանելով նմա՝ յառնեն ի նախարինս եւ յամաթս յախարենականս»²⁶, ըստ այսմ Գրիգոր Տաթևացին ասում է, որ արդարներն ունենալու են յոթ զարդեր, որոնցից զուրկ են լինելու մեղավորները. «Վասն այն հոգիք մեղատուրաց լինին ի խաւարն անգիպութեան. եւ ի քրքրմութիւն յախարենական... Եւ մարմինք նոցա լինին առաւել թանձր եւ ծանր եւ զարշիւք. որպէս ասար»²⁷: Մեր կարծիքով հարուցյալ մարմինների հենց այս քարքերությունն է ակնարկվում Թադման կարգի մեջ, թե «Գաս հիացմամբ եւ ճայնիւ փողոյ. զարթուցանես զննջեցեալսն, յարուցանես զմեռեալս...»²⁸, եւ այսպէս «ննջեցեալները» շնորհներով պսակվածներն են՝ սրբերը, իսկ «մեռեալներ» է անվանում չար գործերի հետեւանքով արդեն հոգով մեռածներին: Նարուցյալները, ինչպէս Պողոս առաքյալն է ասում, լինելու են անապական, հոգեւոր ու փառավորյալ: Ըստ արտաքին արեքի նրանք բոլորն էլ նույնն են լինելու, սակայն քարքերվելու են հարկություններով ու կարողություններով:

Նարուցյալ մարմինների կարարելությունը դրսևորվելու է նաև հասակի մեջ. բոլոր

22 «Գիրք թղթոց», Երուսաղէմ, 1994, էջ 663:

23 «Մաշտոց», Ս. Էջմիածին, 2001, էջ 573-574 (այսուհետեւ՝ Մաշտոց):

24 «Մուրբ Գրիգորի Վարդապետությունը», էջ 195:

25 Ամո, էջ 197:

26 **Վարդան Արեւելի, Յովհաննէս Ծործորեցի, Թովմա Մեծոփեցի**, Մեկնութիւնք մարգարեութեանն Դանիէլի, Ս. Էջմիածին, 2007, էջ 292:

27 «Գիրք Նարեցմանց», էջ 723:

28 «Մաշտոց», էջ 551:

մարդիկ հարություն են առնելու կարարյալ՝ երեսնամյա հասակում. «...որովհետև ծերն ու երեխան անկարար են, ուստի հարություն են առնում երիտասարդ հասակում, որ կարարյալ է: Երկրորդ՝ քանզի Ադամը երեսուն տարեկան արարվեց, եւ Քրիստոսը երեսուն տարեկանում հարություն առավ»²⁹: Իր «Դավադրությունների գրքում» այս մասին է խոսում ԺԲ. դարի կաթոլիկ աստվածաբան Պեդրոս Լոմբարդացին. «Երեխան, որը մեռնում է ծնվելուց անմիջապես հետո, հարություն կառնի այն տեսքով, ինչպիսին որ նա կլիներ, եթե մինչև երեսուն տարեկան ապրած լիներ»³⁰: Իսկ նրանք, ովքեր դեռ մահը ճաշակած չեն լինի՝ ակնթարթում պիտի նորոգվեն ու նոր մարմիններ ստանան:

Այսպիսով, մեռելների հարությունը կազմում է կրոնի ու հավատքի էությունը, առանց հարության գաղափարի չկա եւ քրիստոնեությունը, իսկ ինքը՝ հարությունն ընկալվում է միայն հավատքի միջոցով. «Հարության նկատմամբ հավատը մեզ անդադար լցնում է լուսավոր հույսով: Այն, որ Աստված կյանք է պարգևում մեռելներին՝ այնպիսի ճշմարտություն է, որ միայն հավատքը կարող է ըմբռնել»³¹:

Ըստ Նայ Առաքելական Եկեղեցու վախճանաբանության, Քրիստոսի Երկրորդ Գալուստին տեղի է ունենալու բոլոր ննջեցյալների ընդհանրական հարություն: Աշխարհի սկզբից մինչ այդ օրերն ապրած բոլոր մարդիկ հարություն պետք է առնեն Տիրոջ հրամանով, չորս տարեկից պետք է վերակազմվեն մարդկային նոր հարուցյալ մարմինները, այսինքն՝ տեղի է ունենալու մի նոր արարչություն, որի առաջին օրինակը Քրիստոս ինքն էր՝ իր Հարությամբ: Այս իմաստով էլ քրիստոնեական վարդապետության երեք ամենակարևոր հանգրվանները շղթայի պես միանում են իրար՝ արարչագործություն, հարություն եւ վախճանաբանություն:

29 Գրիգոր Տաթևացի, Ոսկեփորիկ, Երևան, 1995, էջ 181:

30 Ալիստեր Ե. Մակ-Գրեթ, Աստվածաբանություն. հիմունքները, Ս. Էջմիածին, 2009, էջ 264:

31 Ա. Ռ. Կայսյան, Նուսալ հակառակ ամեն հույսի, Երևան, 1995, էջ 377: